

# La vardad davart il rumantsch e tge far?

DA LUCAS DEPLAZES / ANR

■ Sin fundament da las diversas statisticas en connex cun la dumbraziun dal pievel èsi grev da survegnir in maletg da la vaira situaziun dal rumantsch. Il december 2002 ha l'Uffizi federal da statistica annunzià che 35 095 personas hajan inditgà il rumantsch sco lingua principala. Quai munta ina sperdida da 11,4% en cumparegliaziun cun las cifras da diesch onns avant. In tal regress ha natiralmain provocà reacziuns las pli diversas. Il matg 2005 han ins pudì leger en la pressa che passa 60 000 personas en Svizra discurren rumantsch. Quella communicaziun ha alura quietà in pau ils spierts. Ma la realità è ch'il territori rumantsch sa sminuescha da dumbraziun tar dumbraziun. Ussa datti ina analisa da detagl davart la situaziun en il territori tradiziunalmain rumantsch. Cumbain che la situaziun dal rumantsch è precara, datti dentant era aspects positivs che dattan ina tscherta speranza. L'anr



Il dumber da quels che discurren rumantsch daventa adina pli pitschen.

FOTO T. DEFILLA

ha sfiglià in pau en il studi da *Gion Giachen Furer* (Roveredo/GR) ed ella ha pudì constatar tscherts aspects positivs, grazia a las mesiras prendidas en fa-

vur dal rumantsch. Plinavant ha ella vulì savair dad *Ivo Berther* da l'Uffizi chantunal da cultura, tge conclusiuns che tiria ussa la regenza en vista a la situaziun

smanatschanta dal rumantsch en ils territoris tradiziunalmain rumantschs?